



**COMUNE DE OTIERI
PROVINTZIA DE TÀTARI
SETORE TRABALLOS PÙBLICOS E POLÌTICAS DE INCLUSIONE SOTZIALE
SERVÌTZIU 2.2 SERVÌTZIOS A SA PESSONE**

**AVISU PÙBLICU
APROVADU CUN DETERMINATZIONE DIRIGENTZIALE N.708 de su 27-12-22
PIANOS PERSONALIZADOS DE AGIUDU LEGE N.162/1998
INDIRITZOS PROGRAMMÀTICOS PRO S'ANNU 2023**

PIANOS IN ÈSSERE (RENNOU)

Si faghet ischire chi sa Regione Sardigna, cun sa deliberatzione n°35/53 de su 22/11/2022:

- At cunsentidu su **continu**, a sos matessi acordos de s'annu 2022 (cun sas matessi summas mensiles), **pro su tempus dae su 01 de Ghennarzu a su 30 de Aprile de 2023, de sos pianos personalizados in èssere a su 31/12/2022;**
- At cunsentidu **de torrare a valutare** sos pianos in èssere a su 31-12-2022, de torrare a carculare su valore de totus sos pianos a motivu de s'atestatzione ISEE 2023, mentres sa **rivalutatzione e s'aggiornamentu de s'ischeda de su saludu e de s'ischeda sotziale**, at a èssere a sèberu **si la pedint** sos singulos beneficiàrios. Sos valores de sos pianos rivalutados e torrados a carculare ant a comintzare dae su **1 de maju de su 2023.**

Pro cussos chi ant impignos de **cuntratos de traballu a tempus DETERMINADU**, pro fàghere a manera chi sa pròroga siat regolare si devet presentare sa documentatzione chi s'ghit:

- γ Còpia de su RENNOU de su cuntratu de traballu (lìtera de reclutamentu) **in ue siat craru su nùmene de su beneficiàriu de su Pianu Personalizadu** e si fatat riferimentu a s'atuatzione de s'agiudu pedidu a sos senso de sa Lege n.162/1998, acordadu cun una Cooperativa Sotziale o unu sugetu privadu;
- γ Còpia de sa dichiaratzione de su raportu de traballu domèsticu INPS si sa còpia a sos atos est a tempus determinadu;
- γ Fotocòpia de sa carta de identidade de su traballadore.

Si devet fàghere in modu chi sos documentos chi iscumproent sos agiudos in èssere (pro esèmpiu s'assistèntzia in domo, s'assistèntzia educativa ecc.) divent èssere presentados intro e no a pustis de su 31-01-2023 **SOLU** pro mèdiu de sa mail ordinària o de sa pec a sos indirizos chi s'ghint protocollo@comune.ozieri.ss.it protocollo@pec.comune.ozieri.ss.it. Sa mail ordinària o sa pec divent cuntènnere **s'ogetu** chi s'ghit: ***“Documentos de rennou P.P. L. n. 162/98 a benefìtziu de _____(sambenadu e nùmene de su beneficiàriu)***

PIANOS DE ATIVATZIONE NOA

Si faghet ischire, finas, chi cun sa matessi Deliberatzione n° 35/53 de su 22/11/2022 sa Regione:

- At cunsentidu sa presentatzione de sos **Pianos de ativatzione noa** pro sas pessones cun disabilitades graes chi ant sa tzertificatzione de disabilitade grae a sos senso de s'art.3 comma 3 de sa L.N.104 de su 1992, o chi dae sa matessi siat craru chi **sa visita de sa commissione mèiga est istada fata intro a su 31 de su mese de martu de su 2023;**
- At detzisu chi sos matessi ant a comintzare dae su **1° de maju de su 2023;**
- Pro aprontare sos matessi est netzessàriu **leare un'apuntamentu** cun su Servìtziu Sotziale Professionale pro mèdiu de sa mail a s'indiritzu chi s'ghit educatrice.crespi@comune.ozieri.ss.it, in sa cale si devet segnalare unu nùmeru de telèfono.

PIANU IN ÈSSERE (RENNOU) E PIANOS DE NOA ATIVATZIONE.

Sa modulistica netzessària pro sa presentatzione de sa dimanda de sos pianos personalizados si podet iscarrigare in su situ de su Comune a s'indiritzu: <https://www.comune.ozieri.ss.it>.

Sas dimandas pro pòdere beneficiare de sos pianos de sa lege 162/98 divent èssere presentadas intro e no a pustis de su **31 de Martu de su 2023** e divent èssere torradas a presentare finas dae totus sos beneficiàrios de sos Pianos in èssere in custu momentu, SOLU pro mèdiu de sa mail ordinària o de sa pec a sos indiritzos chi sighint protocollo@comune.ozieri.ss.it protocollo@pec.comune.ozieri.ss.it.

Sa mail ordinària o sa pec divent àere s'ogetu chi sighit: *Dimanda de (mustrare si est rennou o de prima ativatzione) P.P. L. n.162/98 a benefìtziu de (nùmene e sambenadu de su benefìtziàriu de su pianu) annu 2023.*

Pro àteras ispiegatziones e informatziones:

- Telèfono: **079/781259** in sos oràrios chi si retzit sa zente
- A manzanu: martis e mèrcuris dae sas 09:00 a sas 13:00
gioja dae sas 09:00 a sas 11:00

- Passadu mesu die: martis dae sas 16:00 a sas 18:00;

O pro Email: educatrice.crespi@comune.ozieri.ss.it

Sa Responsàbile de su Protzedimentu

Dutora Francesca Scodino

Sa Responsàbile Servìtziu 2.2-Servìtzios a sa Pessone

Dutora Alessandra Zoroddu

Tradutziones a cura de s'Operadore de s'Isportellu de Limba Sarda de Otieri

Progetu "Inoghe Puru" - Annualidade 2022

Finantziadu dae sa Ras cun sa L482/99 e cun sa L.R.22/2018

